



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ.

N

91/2939

< 02 >

11

2021թ.

Գուրգեն Մովսիսյանին

Հասցե՝ ք. Աշտարակ, Սիսակյան 18/1 տ.

Ուղարկում եմ <<Թիվ 8180031287 որոշումը անվավեր ճանաչելու մասին>> որոշման օրինակը:

Առդիր՝ <<2>> թերթից:

Հարգանքով՝

Պետի ծառայության գծով տեղակալ,
ոստիկանության գնդապետ՝

Ա. ՄԱԹԵՎՈՍՅԱՆ

կատարող՝ Ն. Քոչարյան
Հեռ. 010304202

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 12.10.2021թ. կայացված թիվ 8180031287 որոշումն անվավեր ճանաչելու մասին

02.11.2021թ.

ք.Երևան

ՀՀ ոստիկանության պարեկային ծառայության պետի ծառայության գծով տեղակալ, ոստիկանության գնդապետ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի հիմքով, վերանայելով 12.10.2021թ. կայացված թիվ 8180031287 որոշումը,

Պ Ա Ր Զ Ե Ց Ի

2021 թվականի հոկտեմբերի 12-ին ՀՀ ոստիկանության պարեկային ծառայության Երևան քաղաքի գնդի վարչական գործունեության բաժանմունքի պետ, ոստիկանության կապիտան Հայկ Ներսիսյանը զեկուցագիր է ներկայացրել այն մասին, որ ՀՀ ոստիկանության պարեկային ծառայության թիվ 8180031287 որոշումը կայացվել է թիվ 93000833 սթափության վիճակի ստուգման սարքի միջոցով կատարված զննության արդյունքում, սակայն նշված զննության սարքը, թիվ 048 ծանուցագրի համաձայն ճանաչվել է ոչ պիտանի:

12.10.2021թ.-ին կազմված վարչական իրավախախտման վերաբերյալ արձանագրության, թիվ 8180031287 որոշման և թիվ 048 ծանուցագրի ուսումնասիրությամբ պարզվել է, որ Երևան քաղաքի Թամանցիներ փողոցում 12.10.2021թ.-ին ժամը 12:10-ի սահմաններում, Գուրգեն Մովսիսյանի վարած <<ՎԱԶ>> մակնիշի 50 GU 100 հաշվառման համարանիշի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 1-ին վաշտի պարեկ Վահագն Խառատյանի կողմից և թիվ 93000833 ալկոտեստեր սարքի միջոցով վարորդի սթափության վիճակի զննությամբ պարզվել է, որ վերջինիս արտաշնչած մեկ լիտր օդի մեջ ալկոհոլի պարունակությունը կազմել է 4.483 մգ/լ, սակայն թիվ 048 ծանուցման համաձայն, թիվ 93000833 սթափության վիճակի ստուգման սարքը ճանաչվել է ոչ պիտանի:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով, իսկ 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

Նույն օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը),


վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 1-ին վաշտի պարեկ Վահագն Խառատյանը 2021 թվականի նոյեմբերի 12-ի թիվ 8180031287 որոշումն ընդունել է օրենքի խախտմամբ՝ իրավախախտման դեպքի բացակայության պայմաններում, ուստի այն ենթակա է անվավեր ճանաչման:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 25.08.2021թ. կայացված թիվ 8180011645 որոշումը ճանաչել անվավեր:
2. Որոշման պատճենը երեք աշխատանքային օրվա ընթացքում հանձնել Գուրգեն Մովսիսյանին:
3. Որոշման պատճենը տրամադրել ՀՀ ոստիկանության պարեկային ծառայության Երևան քաղաքի գունդ՝ ի տնօրինություն, ինչպես նաև լուծել Գուրգեն Մովսիսյանի վարորդական իրավունքի վկայականի վերականգնման հարցը:
4. Սույն որոշումն ուժի մեջ է մտնում հանձնելու օրվան հաջորդող օրը և կարող է քողովարկվել ՀՀ վարչական դատարան օրենքով սահմանված կարգով և ժամկետներում:

ՀՀ ոստիկանության պարեկային ծառայության պետի
ծառայության գծով տեղակալ, ոստիկանության գնդապետ  Ա. ՄԱԹԵՎՈՍՅԱՆ

